

# Совхозин эдл-ахуд сән

## килмджән өгчәнә

Сарпинск района Чапаевин нертә совхозд ах үкрч болдж үр Нохаев Борис көдлджәнә. Энүнд дүнь Николай болн Сергей Куприянов хойр дөнъ-нөкд болна. Эдн 150 толгъа бүрү-гунджд болн 50 толгъа бөдүн үкрмүд хәрүлнә. Хәрүлджәх малмуднь өдр болгън 850-900 грамм өслт өгнә. Малмуднь цугъар сән таргън.

Малан сәәнәр үвлзүлдж гаргъхин төлә эрдни-шишә-гъәр кесн 570 центнер силос белдчксн бәәнә. Дакад көк хулс, шалу болн талдан олн-зүсн ногъа хаддж силос белдв. Хулс хадджах улс өвдгцә усар йовдж хадцхав. Көдлмш

күнд болсн бийнь, шинәс 170 центнер силос белдв.

Лиджиев Алексей, Васькаев Дмитрий, Курдюбов Александр болн нань чигн көдлмшчнр йилгъән сәәнәр көдлдж, әмтнд үзмдж болцхав. Эдн силос дарсн бәәрн деер көк хулс хаддж овалв. Тер хулсн үвдән малд хот болх, дакад силосиг хур-чиигәс харсхмн.

Өдгә цагт мал үвлзх газрур әврәннь күчн-чидләрн малин хот зөөдж белдджәцхәнә. Солом зөөдж овалхларн давсиг уснд урсхадж, тер соломиг норгъадж, ургъмр өвснлә ниилүлдж белдджәнә, иим теджәлиг мал дурлдж иднә.

**И. НОВОСЕЛЬЦОВ.**